

連江縣志卷三十二

流寓

寓賢特傳乾隆志祇列朱考亭何白沙二先生嘉慶志又增其二自時厥後增無可增矣寧缺焉無濫也或以通志局新頒凡例易稱流寓似可寬以收之吾應之曰唯唯否否

宋

朱晦翁於慶元間遭偽學之禁迹跡三山轉之長樂與其徒劉砥劉礪抵連寓寶林寺復至官地村結廬講學今猶名其村曰朱步又寓安中里仁山嘗為主人書大學聖經於廳事門上其家世無疫癘人謂有公所書聖經在也明萬曆間劉令希夔聞之取以去然其地至今災咎亦不常有復至九龍山下流覽徘徊以為此地當可避亂後人即其地建祠以祀之

明

周如磐莆田人未第時貧不自給浪跡至連讀書龍興觀以磁器煨粥而

連江縣志

卷三十二

宋流寓

二十五

自期公輔同學多輕侮之周怡然不校一日有老狐匿閣上雷大震諸生皆走避周不為動雷震益急眾共詬之乃出不數武已擊一狐斃矣每共出行諸生爭趨小徑周曰我朝廷所倚賴不可趨邪途也其婦卒於家計喪費外惟餘一銅鑰遺之周撫以泣曰吾曾當有以報汝今已矣已而果第官內閣向輕侮之者亦援例欲謁選愧不敢往竟失美程

何其偉字梧子其先福清龍田人父古銘遷居邑之伏沙故學者稱其偉曰白沙先生少讀書有心得每超筌蹄之外嘗受知於錢希聲錢殉國死琅崎其偉走哭之遂隱不復出負奇氣從人寄食不久恒齟齬去之好以樹藝自娛徙於白鶴作草堂以居短垣一帶徧蒔花草或有所得則發之於詩詩成每過訪陳元登黃士舉互商得失往復不厭居常惟緇黃冠服狀貌鄙樸不可物色種蔬給食不知為貧所著有濤園文集四卷濤園詩白鶴草堂詩若干卷胡諍一卷行於世通志入

清



胡惟熊字乃武侯官人勵志古人不慕榮利講學於邑之幕浦三十年足跡不至城市所著有周禮管子詳講尙書要言學者稱幕浦先生